

西域聞見錄

西域圖志

西域聞見錄卷五

西陲紀事本末

準噶爾叛亡紀畧

準噶爾額魯特部落也不耕五穀以游牧為業以肉為食以牛馬乳為酒有姓氏族系同姓亦不為婚而男女無別甚於回子稱其王曰汗次曰台吉次曰宰桑人尤頑慆獷以刳奪為能不作賊者不齒於人數一人能刳數人者謂之好男子習尚然也然亦絕不刳其種人之所有最重喇嘛惟其言是尊遙望見之即免冠叩首喇嘛手摩其頂即不勝忭舞之至生女擇美麗者進之喇嘛少婦有疾病輒求與喇嘛歇宿經年累月而父母與

本夫欣慰焉即或病危令本夫領出但嘆其婦薄福而
已女子在家生育謂之有福求聘者接踵無正朔但以
萬年曆按算分至啟閉亦不甚訛謬人死則棄之移其
氈帳而去或置其尸於野俾獸殘食為亡者免罪早得
人化其歌音慘悽夜靜群謳令人落淚誠夷則之音也
地居伊犁烏魯木齊沙爾雅著勒土斯瑪納斯巴彦代
之間地廣草肥水甘易蕃牲畜人習勞苦好戰喜殺慣
用烏鎗木矛回子各城及左右哈薩克皆其阿拉巴圖
阿拉巴圖者猶華言奴僕也控弦百餘萬駝馬牛羊遍
山谷故恃強侵凌鄂羅斯溫都斯坦克什米爾後藏鄂
罕各國四出擄掠康熙雍正間為中國邊患用兵數年

雖殲戮亦未勦滅其汗策旺阿拉布坦死其弟噶爾旦
策楞坐床坐床者即位也噶爾旦策楞生三子一女長
子曰喇嘛達拉扎次曰阿扎次曰莫克什女曰烏蘭巴
雅爾阿扎之母貴喇嘛達拉扎婢所出也噶爾旦策楞
死國人立阿扎坐床阿扎殺莫克什喇嘛達拉扎自危
乃殺阿扎而自立烏蘭巴雅爾同其夫叛喇嘛達拉扎
擒殺之當時達瓦齊與阿睦爾薩納另居沙雅爾地方
各有阿拉巴圖數千戶達雅瓦齊族貴無甚伎倆阿睦
爾薩納出身微賤而狡悍兇狠迥異諸酋亦皆不平喇
嘛達拉扎之所為與之相抗不奉教令喇嘛達拉扎大
怒命衆討之達瓦齊阿睦爾薩納兵敗同竄入哈薩克

地方寄跡延喘喇嘛達拉扎與其喇嘛台吉等密議以
二人不除終為後患遂遣其心腹人等領精兵六萬晝
夜西追搜檢哈薩克各愛曼務在窮其踪跡期於必獲
達瓦齊計無所出日夜涕零而阿睦爾薩納聞風即揀
其精銳一千五百人裹乾肉為糧於山僻無人之境夜
行晝伏潛入伊犁襲殺喇嘛達拉扎於氈帳中乃迎達
瓦齊坐床以阿睦爾薩納出身微賤故也初噶爾旦策
楞之父利前後兩藏之富欲令拉藏王叛中國而歸已
約為婚姻以女贅拉藏王之子為僭誘至伊犁而後索
兩藏之地拉藏王問諸達賴喇嘛曰不可噶爾旦策楞
之父大怒遂由回地之沙雅爾潛襲前藏沙雅爾阿奇

木伯克噶爾^常為嚮導戈壁太遠星宿海灘淤難行人馬
多死怒而歸遂將拉藏王子殺害時其妻有孕共議生
女則留之生男則殺之及生則女也長適於人遂生阿
睦爾薩納阿睦爾薩納遍身皆血或謂此仇讎之再來
也達瓦齊既立不能統馭其屬歲多叛亂有亂必於沙
雅爾取阿睦爾薩納來為之調停阿睦爾薩納數誚讓
之達瓦齊不甘因而成隙其後達瓦齊漸得人心則以
阿睦爾薩納狡譎起兵勦之阿睦爾薩納自料力不能
抗遂率其部落於乾隆十九年款關投誠
上受降封為親王命兩廣總督尚書班第為定遠將軍
兩江總督鄂永安為叅贊大臣部署滿漢索倫察哈爾

官兵出嘉峪關以阿睦爾薩納為副將軍嚮導由巴里坤烏魯木齊直搗伊犁軍威赫盛旂幟被野準噶爾各愛曼之喇嘛宰桑率其人戶望塵請降角崩恐後達反齊見人心離散自知力不能支因計烏什回城之阿奇木伯克霍吉斯為已所立必不辜恩因率其子羅卜藏並親丁百餘騎由穆肅爾達坂逃至回疆去烏什四十里屯劄而霍吉斯已使人具牛酒以迎達反齊之黨以為不可測也而達反齊終以已遇霍吉斯厚立其兄弟四人皆為阿奇木伯克稍有人心能不圖報遂殺牛酌酒與衆共醉霍吉斯盡縛之入城迎接

大兵而獻之霍吉斯身受王封於是準噶爾之地悉平

椿園曰開國成家盛衰存亡之數夫惟人心
之故耳仁惡強暴旨趣不同莫不以得人為
本夫以準噶爾之強富勇悍地廣大而險阻
上下緝謀勢總力一四出為患而及其敗也
天兵西下勢如拉朽以百萬之衆萬里之地不二年間

誅戮無遺豈獨天厭其種哉亦篡逆相循之
心弛散不能和一之故也夫周以忠厚開基
及其衰也雖七雄並起而猶戴天王漢以廉
讓成風迨其季也雖庸愚負販而均思漢體
有風俗然後有人心所以固結之者深且遠
也有明之一敗塗地無怪其然以便嬖巧令

為長材以奴顏婢膝為圓和風俗卑污廉恥
道喪人心大不可問是說也不啻為愚即笑
為迂尚何責於準夷之蠢類哉

阿睦爾薩納叛亡紀畧

阿睦爾薩納性狡詐反覆不常彼之導引

大兵滅伊犁者欲借

天朝之力立伊為準噶爾之汗始遂其蓄心則不可測而
皇上妙算別有深謨阿睦爾薩納自料不能如願遂生逆
謀煽惑額魯特受曼人眾使之叛亂時大兵俱已凱旋
惟將軍叅贊駐劄丕爾沁地方辦理善後事宜滿漢官
兵僅五百餘人事起倉卒遂被其害將軍叅贊死之阿

睦爾薩納既叛大兵雲集電赴分道進勦阿睦爾薩力窮與其親丁七人共八騎奔入鄂羅斯大兵追至其察罕汗使人獻其尸焉嗣後額魯特叛亂

上震怒命三將軍各領兵數萬人分道並進誅其男婦子女逾百萬人其逃竄者曰麻哈密官兵四出搜殺之所存者僅恭順之餘耳於是準噶爾之地盡歸版圖設官兵屯田防守畱定邊副將軍駐伊犁以鎮撫之

椿園曰阿睦爾薩納天資陰狡譎詐反覆之人也而具有狠毒之才彼其款闕歸命之時方救死之不暇及導引大兵平定伊犁亦有微勲顧患難少舒即色藏禍心謀為叛逆豈

正
非狼子破鏡之尤哉我

皇上聖文神武小醜何能逞其陰謀正大光明魑魅何
所施其伎倆卒之隻身死於道途遺禍延於
種類夫亦其所自取矣

西域聞見錄卷六

西陲紀事本末

布拉敦霍集

一本作吉占叛亡紀畧

和卓^木本墨特回子之世家也回地各城皆準噶爾之阿
拉巴圖歲納賦稅準噶爾以和卓木墨特族貴衆所遵
服使總理回地各城自是祖父以來住居葉爾羌為準
噶爾辦理回務和卓木墨特多權術善收人心大城諸
回皆其心腹漸欲背準噶爾而自立一國準噶爾汗覺
其有異心賺至伊犁置地牢中數年始釋仍於伊犁禁
錮之和卓木墨特在伊犁生子二長曰布拉敦次曰霍
集占即回子所稱大小和卓木也和卓木墨特死二子

仍在伊犁乾隆二十年大兵平定伊犁將軍班第始將
二子放回葉爾羌二人既歸其父之心腹黨羽及耆舊
親故雲集響應椎牛宴會共相慶慰衆議大計布拉敦
欲安集各城聽候

大皇帝諭旨而霍集占不可以爾我兄弟被準噶爾禁
錮歷有年數今始得歸故土若聽

天朝諭旨必有一人召至北京以為質與禁錮何異莫
如守我險阻要害之地與之抗拒中國兵不能來即來
亦皆疲憊糧運不繼可一鼓而殲也且今準噶爾已滅
偏處無強隣此天賜之機會不可失也衆以為然於是
伯克阿渾人等傳示各城愛曼整頓鞍馬器械均聽大

小和卓木指麾各城數十萬回戶皆從之起事初布拉
敦之歸自伊犁也素與有隙之回子庫車阿奇木伯克
鄂對及其子阿斯滿拜城阿奇木伯克噶達墨特及其
子阿布都爾滿阿克斯回子色提巴爾第及其弟阿克
伯克等聞之大懼知其必加殘害棄家而逃往伊犁迎
大兵投誠布拉敦弟兄既叛各城響應霍集占尤狡猾
諸事皆聽其處置以庫車為西入回疆之要路乃以其
心腹回子阿布都克里木為阿奇木伯克守庫車更益
以精兵一千當時將軍兆惠方有事於伊犁微有風聞
未有確信因遣領隊大臣伊敏圖領滿兵一百及鄂對
噶達墨特等百人額魯特兵二千由莫勒土斯山徑前

赴庫車以責徵糧草為名體察情形至庫車之伯幾爾
山見有殺死之回子三人皆係鄂對親屬鄂對大哭即
回告領隊大臣謂殺死回子三人係鄂對親屬今既被
殺則庫車之從霍集占叛亂明確我等只有滿兵百人
額魯特兵新附人心不一焉能與敵不如馳告將軍謀
而後進乃為萬全伊敏圖不從至庫車阿布都克里木
遣人邀請入城鄂對噶特墨特力諫不從二人復還伊
犁額魯特兵二千人均知其詐不肯入城伊敏圖乃領
滿兵百人入之須臾咸為所殺事聞
上命將軍雅爾哈善統兵領滿漢官兵萬餘並帶鄂對
等自土魯番進兵攻取庫車月餘不下布拉敦弟兄聞

警即選精兵萬人最遠最準之贊巴拉烏鎗八千桿由阿克蘇之戈壁捷徑而來與我兵遇於城南大戰一日賊大敗入城戮其精兵六千遂據城力守不復出戰其城依山巽用柳條土沙密築而成炮攻不入時綠營官兵有獻開掘地道之計者將軍納之於城北一里外山岡下掘入扒入羅城矣而將軍急於收功嚴禁晝夜力掘回子瞥見地下燈光機遂洩露反使回子於城內用木板閘斷歸路用水灌之千把十員兵六百名皆死其中相持既久鄂對密白將軍目今攻城日久城內必不能支霍集占必棄城逃葉爾羌去去有兩路一由城西之渭干愛曼此地水淺人馬可渡渡河則得向阿克蘇